



Centre de Formacion Professionala Occitan

Sèti social :
7 carrièra Franklin
34500 BESIÈRS

Tièra dels libres de legir per la sesilha de 2008 de l'examen al «Diplòma d'Escapolaire»:

- Max Roqueta, 1975, Verd Paradis I, Tolosa : IEO, colleccion Atots. [1]
- Florian Vernet, 2007, J@rdindelasdelicias.com , Bouloc : IEO, colleccion Atots.
- Joan Bodon, 2003, Contes, Castras : IEO / editions du Rouergue.



Lo Programa PARLAR s'amoda demercé lo sosten financièr de la Region Lengadòc-Rosselhon, l'ajuda del ministèri de la Cultura e de la Comunicacion e l'intervencion de la comuna de Montpelhièr.

Bulletin d'inscripcion

Attention: date limite de clôtura des inscriptions: 26/05/2008

- Me marki a l'Examen pel Diplòma d'Escapolaire que se debaranà lo dissabte 7 de junh de 2008 a **Besièrs**

**Pòl de Formacion Occitan – Establiment APRENE
Ostal de la Vida Associativa – 15 carrièra General Margueritte.**

- Me marki a l'Examen pel Diplòma d'Escapolaire que se debaranà lo dissabte 7 de junh de 2008 a **Montpelhièr**

**Talhièr PARLAR – Espaci Jaume Primièr d'Aragon
Ostal d'Occitània – 117 carrièra dels Estats Generals.**

- Ajonhi un chèc de 10€ en reglament de mon inscripcion.

Nom d'ostal:

Rèirenom:

Adreça postala:

Telefòn e/o telefonet:

Adreça electronica:



Centre de Formacion Professionala Occitan



Sèti social :
7 carrièra Franklin
34500 BESIÈRS

Lo diplòma d'Escapolaire s'es estigançat dins l'encastre definit pel Conselh d'Euròpa en 2000: correspond al nivèl A2 del document entitolat *Encastre Europèu Comun de Referéncia per las Lengas*.

Encauta un nivèl elementari de competéncias en occitan lengadocian modèrne.

Primièra partida de la matinada: Acuèlh dels candidats: (8h30-9h00)

Los candidats arriban. Lo CFPO los aculhís amb de cafè, de chuc de frucha, de bescuèches...

Lo mond prenon plaça dins la sala. Cadun s'asseta al burèu marcat de son nom e de son numèro de candidat. Los formators fan virar lo fuèlh de preséncia e demandan als candidats de lo ben voler signar.

Un dels formators demanda que s'atuden los telefonets a partir d'aquel moment e fins al cap de l'espròva. Puèi, presenta l'amira del diplòma: «bailar de valor a çò après...». Presenta lo debanament de la matinada: una avaloracion escrucha puèi la lectura d'un tèxt e fin finala una entretenença.

Segonda partida de la matinada: Examen escrich: (9h00-9h45)

- **Escrich:** 45 minutas. Sus 10 ponches

Lo formator baila un fuèlh d'espròva a cadun. Demanda a cada candidat de marcar son rèirenom e son nom d'ostal sus la partida superiora del fuèlh, puei de la plegar e de l'empegar amb d'escòch per amagar plan lo nom. Enfin demanda als candidats de marcar lor numèro d'inscripcion dins aquela partida que venon de plegar e d'empegar.

Los formators dobrisson l'envolopa que conten lo subjècte. Un dels formators legís un còp a votz nauta e intelligibla la consigna: «*Legir lo tèxt atentament. Respondre a las questions.*»

Lo formator baila un tèxt a cadun. Lo formator marca al tablèu l'ora de començança e de fin de l'espròva. Los candidats començan de trabalhar. Al cap de $\frac{3}{4}$ d'ora lo formator amassa las darrièras còpias, agacha se lo numèro correspond ben a la persona.

Tresena partida de la matinada: Pauseta: (9h45-10h00)

Pausa dins una altra sala.

Dementre, los formators alestisson la sala:

- 2 burèus un davant l'autre

- Installan la camèra vidèo sus un pè, prèsta per registrar los candidats.

Los formators demandan a cadun d'agachar l'òrdre de passatge e de se téner lèst per passar a l'ora precisada sul fuèlh empegat a la pòrta de la sala. Convòcan lo primièr candidat.

Quatrena partida de la matinada: Examen oral: (10h00-12h00)

- **Lectura registrada amb una camèra vidèo:** 5 minutas. Sus 30 ponches.

- **Entretenença registrada amb una camèra vidèo:** entre 7 e 10 minutas. Sus 40 ponches.

Lectura - Lo primièr candidat intra dins la sala aprestada e descobrís lo tèxt. Lo legís un còp en silenci dins lo cap per s'entraïnar (a doas minutas per aquò far).

Puèi, lo candidat ditz son numèro de registrament a la camèra e legís lo tèxt prepausat, a votz nauta aqueste còp, sota l'uèlh de la camèra.

Entretenença - Consigna als formators: La tòca es que lo candidat parle.

Los formators devon pas parlar tròp, que la tòca de l'examen es d'ausir lo candidat e non pas sonque lo formator.

Un dels formators lança l'entretenença d'una question dobèrta e corta coma: «Cossí l'as trobat aquel tèxt?».

Puèi se cala e almens daissa una minuta plena per tal que lo candidat parle. En cas de «blanc total», lo formator relança lo candidat amb un invitacion empatica: «nos vòles ben dire çò que pensas?». Se lo candidat se tai pendent 20 o 30 segondas almens, lo formator endralha amb d'autres questions

A de bon, se lo candidat a pas res de dire sul tèxt qu'a legit, tira dos subjèctes de la banasta, ne causís un e torna l'autre dins la banasta. Parla sus aquel tèma tirat.

Lo formator merceja la persona e crida lo candidat seguent.

Aprèp, lo candidat emplena lo document entitolat «Fuèlh de veiaire». Espèra tres setmanas per recebre un corrièr a l'ostal que l'informa de son resultat. En cas de resultat negatiu, lo corrièr estipularà los ponches de tornar veire.

Lo CFPO remet los Diplòmas puèi pendent una ceremònia conviviala.